

Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 96. Lusitaniæ Regis connubium cum sorore Caroli Austriaci

[urn:nbn:de:hbz:466:1-66414](#)

que supplicationes ad avertendum hoc flagellum Romæ decrevit, simulque Maximilianum Cæsarem, ut ad hanc expeditionem suppetias ferret, impense hor-tatus est. Conabatur etiam Afros & Tartaros, atque Scythes, necnon Poloniæ, Angliæ, Daniæ & Franciæ Reges ad hanc militiam invitare: ceterum Selimus eo tempore Italiam haud invaserat, sed Damascum profectus, Aleppi hyber-na egit. Evidem contra Rhodios validam omnino classem parabat, verum pestilentia vi quam plurimos suorum militum absidente, ipse exercitu dimisso, Constantinopolim sese recepit.

§. XCVI.

Lusitaniæ Regis connubium cum Sorore Caroli Austriaci.

Dum hæc interea geruntur, Carolus Austriacus imperium suum in Hispania firmare intentus erat; cum enim rem haberet cum Natione superba, atque exteri jugi impatiens, opus erat ingenti prorsus prudentia. Duxerat secum in Castellam Eleonoram de Austria suam Sororem, cuius nuptias Emanuel Lusitaniæ Rex, jam secunda conjugé orbat, necnon Joannes ejusdem Filius expecebant. Hos inter competitores Rex Catholicus Patrem, quamvis ætate Sorori

B b 5

suæ

Sæcul. XVI. suæ disparem prætulit; cum enim Maxi-
 A.C. 1518. miliano mortuo imperii coronam ambi-
 ret, hujus amicitiam consiliis suis magis
 proficuam censuit. Non eadem tamen
 Eleonoræ animo insedit sententia, nihil
 minus tamen fratris sui, licet natu mi-
 noris, voluntati cedere compulsa est.

§. XCVII.

*Divisio Archiepiscopatus Toletani
 nequidquam tentata.*

Supplement. Exeunte anno priori a Carolo Castellæ
Mariæ. t. 5. comitia agebantur, sub primis vero
ann. 1519. hujus anni auspiciis Archiepiscopatum
 Toletanum ambitu suo amplissimum in
 Madritensem & Tolaveranam Ecclesias di-
 videndum esse, proponebatur. Annuit
 Pontifex, hancque in rem diplomate edi-
 to, totius rei cognitionem coñisit Adria-
 no Cardinali Cosentino Episcopo, suo in
 Castella Nuncio Apostolico, necnon Al-
 phonso Marinquez Rodericopolitano An-
 tistiti, dato eisdem negotio, ut commo-
 da æque ac damna, quæ ex novorum
 horum Episcopatum erectione oriri pos-
 sent, accurate denunciarent. Ast tam
 graves intercedebant difficultates, ut a
 suscepto consilio desistere, necessarium
 duceretur.

§. XCVIII.